

中國東方文化研究會歷史文化分會編

江蘇古籍出版社

歷代碑誌叢書

中國東方文化研究會歷史文化分會編

歷代碑誌叢書

第七冊

江蘇古籍出版社

歷代碑誌叢書第七冊目次

金石萃編一百六十卷(四)

〔清〕王昶撰
清嘉慶十年經訓堂刊本

..... 一

金石續編二十一卷(一)

〔清〕陸耀遹撰
清同治十三年毗陵雙白燕堂刊本

..... 六三五

金石萃編卷一百二十七

賜進士出身 誥授光祿大夫刑部右侍郎加七級王昶謨

宋五

謝天書述功德銘

碑凡五巨石合成一碑並高九尺第一石廣三尺第
二石廣二尺五寸第三石廣五尺三寸第四石廣四
尺五寸第五石廣三尺五寸共五十四行行二十八字
正書額高三尺五寸廣五尺題曰登泰山謝天書述
二聖功德之銘十三字篆書在泰安
府城南門外東南嶽岸東偏北向

泰山謝

天書述

二聖功德銘

御製御書并篆額

朕聞一區宇而恢德教安品物而致昇平此邦家之大

金石萃編卷一百二十七 宋五

業也考茂典而薦至誠登

喬嶽而答

純錫此

王者之昭事也結繩已往茫茫而莫知方冊所存章章

而可辨因不開先流福累洽儲休長發其祥永錫爾類

故能禮祀

上帝肆覲群后追八九之遐躅徇億兆

之歡心是以武王勦獨夫集大統而成王以之東巡高

帝平三猾戡天祿而武帝以之上封巔以五代陵夷四

方分裂嗷嗷九域顧影而求存嚮嚮萬民籲天而仰訴

不有

神武多難何以戡不有

文明至治何以

復崇惟

太祖啓運立極英武聖文神德靈功大孝

皇帝積慶自始受命無疆歷試于艱難終陟于元

后

威靈震疊

顯澤汪翔無往不賓有來斯應

濟民於塗炭登物於春臺俾父萬邦成湯之甚盛咸宜

九德文王之有聲

啟運于前垂裕於後

太宗

至仁應道神功聖德文武大明廣孝皇帝洪基載紹

景貺誕膺如

日之昇燭于率土如

天之廣

覆于羣生人文化成神道設教尊賢尚德下武後刑金

石之音

明靈是格玉帛之禮蠻貊來同書軌畢臻

典彙無闕

上靈降鑒虞舜之溫恭庶民不知唐堯

之於變

重熙之盛冠絕于古先

增高之文已

頒乎

成命逡巡其事

謙莫大焉肆予冲人獲

金石萃編卷一百二十七 宋五

守丕構其德不類其志不明弗克嗣興罔識攸濟屬以

陽春屆節

靈文錫慶曰是濟河耆老鄒魯諸生啟

予以

神休邀予以

封祀不遠千里來至闕庭

朕惕然而莫當彼確乎而莫止俄而王公藩牧卿士列

校獻封者五上伏閭者萬餘以爲

景命惟新

珍符紛委不可辭者

天意不可拒者羣心

天

意苟違何以謂之順道羣心苟鬱何以謂之從人是宜

登

介丘成

大禮敦論雖至勤請彌固竊念軋

坤垂祐

宗祏儲祉導揚嘉氣僅洽小康唯夫疆場

以寧干戈以息風雨以順稼穡以登無震無驚既庶既

富皆 天之賜也豈朕之功歟雖則 告成功紀

徽猷非涼德之克堪也然而序 圖錄答 殊禎

非眇躬之敢讓也 天孫日觀 梁甫仙間五嶽

之宗萬物之始 升中燔柴舊章斯在繼承 先

志懿範遵已定之經祗事 園丘 嚴配肅因心

之孝於是詔輔臣以經置命群儒而講習給祠祀者罔

有不至供朕身者無必求豐故 玉幣犧牲朕之所

勤也羽儀服御朕之所簡也精意篤志夙興夕惕誠明

洞達 顯應選彰自 天垂恩正真親臨於雲馭

奉 符行事子育敢怠於政經粵以暮秋之初恭饗

金石萃編卷二百二十七 宋五

清廟告以陟配孟冬之吉虔登 岱宗伸乎對

越奉 寶錄於座左升 祖宗以並侑禮之正也

孝之始也乃禪 社首厥制咸若于時 天神畢

降 地祇畢登 彤璽可期奠獻如覲其薦也雖

慙乎明德其感也實在乎至誠亦復酌豐宮之前間遵

甘泉之受計百辟委珮五等奉璋肆眚施仁舉善勸治

稽考制度採摭風謠文物聲明所以揚 二聖之洪

烈歡娛慶賜所以慰百姓之來思蓋又 兩儀之純

嘏 七廟之餘慶邦家之盛美蒸黎之介福豈子寡

昧所可致焉惟當寤寐黃畏夙夜惕厲不自滿假不自

逸豫寵綏庶國茂育群倫以荅 穹昊之眷命焉勒
銘山阿用垂永世銘曰

節彼 岱嶽 巍然東方 庶物伊始 靡感其彰

自昔受命 反始 穹蒼 燔柴于此 七十六

王 顧惟寡薄 恭嗣洪猷 軋軋慄慄 雖休勿休

元符昭錫 餘慶遐流 群情所迫 盛明爰修

前王丕顯 是日告成 伊予冲眇 無德而名 永

懷眷佑 祇荅 景靈 聿崇 嚴祀 用達

精誠 殊祥疊委 寓縣奔馳 禮無違者 神實格

思 藏封石果 刻字山岬 蒸民永泰 繁祉常垂

金石萃編卷二百二十七

大中祥符元年十月二十七日

刻書 刻石

帝既侈言天書之妄復爲太山之封而作此銘述太

祖太宗以及其身語多浮夸文亦拖沓正書僅能方

正無少鈎磔想帝亦不能辦此或王日輩爲之潤色

而尹熙古之流握管耳碑方廣幾畝開元太山銘字

減小不能強半而文筆手腕則不啻若泰山之手鄒

嶧矣 石墨 鐫華

祥符天書述以頌太祖太宗之功德其真書絕佳子

得之豐城學士萬卷樓是石刻元文貞公遺山親登

岱宗顧未及見子得見之幸矣取以配唐開元太山

石本誰曰不宜銘琦亭集

右碑錢辛楣少詹云宋史禮志載玉冊玉牒文而未及此銘略之也碑陰明巡按吳從憲題篆書泰陰碑三字俗呼爲陰字碑聶劍光泰山道里記云是碑有二一勒山下所謂陰字碑也一勒山上在唐磨厓碑之東字徑二寸明嘉靖間俗吏鄧人汪坦大書題名又汝南人翟濤題名及書德星巖三字並鐫蓋于上每行毀三四十字不等尙有字句可讀篆額登泰山謝天書述二聖功德之銘十三字完好如初文獻通考王欽若言唐高宗元宗二碑之東石壁南向平峭

金石萃編卷一百二十七

宋五

五

欲卽厓成碑以勒聖製上曰朕之功德固無所紀若須撰述不過謝上天敷佑敘祖宗盛美爾命勒石北向以答天眷元好問東遊略記云嶽頂封禪壇下有唐宋磨厓據此則真宗述功德銘先經磨勒嶺後又立碑城南也乃後人第知有城南之碑不復知有岱頂之碑矣山左金石記

右碑在城南郊原上五石合成製若屏障以圍臺在山頂故字從北面取對越之義山頂磨厓一碑已爲諸人題名鐫毀過半字大小與山下碑同而行數有不同又按東軒筆錄云呂升卿爲京東察訪游泰山

題名于真宗御製封禪碑之陽刊刻搨本傳于四方後二年升卿判國子監會蔡禧爲御史言其題名事以爲大不恭遂罷升卿判監據此則真宗之爲是銘先經磨勒嶺又立碑城南也明矣金榮泰山志

按真宗封禪泰山刻石有五此其一也餘四碑此文刻石有二其一磨崖在岱頂德星巖明嘉靖鄧人汪坦大書東安邵鳴岐等題名一則又汝南人翟濤奉當事僚友同遊引漢陳荀諸賢之聚太史以德星奏一事自爲題記復書德星巖三大字真宗銘文大半鐫毀今不錄此碑文與磨崖全同泐

金石萃編卷一百二十七

宋五

六

者三字今據泰安縣志所載補之碑北向屬泰山之陰故陰題泰陰碑三字以訛傳訛遂謂之陰字碑矣碑文述事大致與宋史禮志所載皆同至太祖謚號稽之禮志正與此同而太祖本紀卷末乃云大中祥符元年加上尊謚曰啓運立極英武睿文神德聖功至明大孝皇帝按此乃天禧元年正月九日所加非大中祥符元年紀誤也封禪之事當太宗卽位之八年已詔十一月二十一日有事于泰山後以乾元文明二殿災詔復停止碑故云太宗皇帝已頒成命遂巡其事謙莫大焉真宗封

禪之事成于天書天書之事源于雪澶淵受盟之
恥宋史王旦傳云帝幸祕閣驟問杜鎬曰古所謂
河出圖洛出書果何事耶鎬應之曰此聖人以神
道設教耳帝繇此意決是天書之事實成于神道
設教一語也此碑乃云太宗皇帝人文化成神道
設教尊賢尚德下武後刑若以神道設教爲太宗
之所欲行者亦善于文飾矣碑立于大中祥符元
年十月二十七日是月戊子朔二十七日爲甲寅
乃封禪禮畢發奉符之日也後四碑皆刻于二年
據玉海載祥符二年五月戊午出泰山謝天書述

金石萃編卷一百二十七 宋五

七

二聖功德銘玉女像記示輔臣十月丙午以御製
泰山銘贊賜丁謂等九軸因請以御製泰山銘及
九天司命天齊王周文憲王文宣武成王贊於朝
堂宣示百官召近臣就三司觀之帝曰此但記一
時事何足宣示宰臣王旦等固請從之十一月壬
子朔泰山太平頂磨崖刊聖製畢據此則碑以二
年五月撰成十一月刻成其題元年十月二十七
日者追用禮成之日也禮志載閣臺奉祀官並於
山上刻名今未見

元聖文宣王贊

碑高八尺四寸五分廣四尺一寸三分分兩截上贊
下銘皆十六行贊行十八字詔行二十三字行書在
曲阜孔廟

元聖文宣王贊 并序

御製

若夫撿玉 介丘迴輿闕里緬懷於 先聖躬謁於

嚴祠以爲易俗化民既仰師於彛訓崇儒尊道
宜益峻於徽章增薦崇名聿陳明祀思形容於盛德爰
刻鏤於斯文贊曰

立言不朽垂教無疆昭然令德偉哉素王人倫之表帝
道之綱厥功實茂其用允臧升中既畢盛典載揚洪名

金石萃編卷一百二十七 宋五

八

有赫懿範彌彰

加號詔

王者順考口口懋建大猷崇四術以化民昭宣教本總
百王而致理丕變人文方啓迪於素風思肇揚於鴻烈
先聖文宣王道膺上聖體自生知以天縱之多能實人
倫之先覺元功侔於簡易景鑠配乎貞明惟列辟以尊
崇爲億載之師表肆朕寡昧欽承命靈曷嘗不遵守彛
訓保乂中區厲以祇若 口符告成喬岳觀風廣魯之
地飭駕數仞之墻躬謁遺祠緬懷遐躅仰明靈之如在
肅冀獻以惟寅是用徵簡策之文昭口獻之德聿舉追

崇之禮庶伸嚴奉之心脩物典章垂之口口誕告多士
昭示朕懷宜追謚曰 聖聖文宣王祝文特進署仍
令所司擇日脩禮冊命并修飾祠廟祭器口廟內制度
或未合典禮並令改正給近便五戶以奉塋域口差官
以太牢致祭故茲詔示想宜知悉

大中祥符元年十月二十四日東封禮畢十一月一
日 車駕幸曲阜縣謁奠 先聖文宣王命刑部尚
書溫仲舒等分奠七十二弟先儒禮畢幸孔林是日
詔先聖加號 聖聖文宣王 御製贊又 詔吏
部尚書張齊賢等次日以太牢致祭詔充公顏子進

金石萃編卷一百二十七 宋五

九

封充國公十哲閔子已下進封公會子已下進封侯
先儒左丘明已下進封伯五年八月廿二日奉 敕
諸道州府軍監各於 聖聖文宣王廟刻 御製贊
并詔十一月 日奉 敕改謚曰 至聖文宣王
此真宗東封還過曲阜奠孔子而作碑二方上刻御
製贊下刻加號詔真行書無名氏疑亦書院待詔尹
熙古輩爲之雖不離院體而亦有聖教遺意據碑奉
勅諸道府州監各于文宣王廟刻贊并詔不止曲阜
余所收乃曲阜碑蓋他處易燬而孔林獨存耳 石 鐫
秦至無道而創封禪儒人排之未達于天人之故也

天地之秀孔子未生散于山川孔子既出鍾于泰嶽
是以自秦之後沿漢及唐未有不登封太山而降禮
曲阜者載在史冊非如七十二君之荒忽也故不知
者謂因尊岱而及孔子不知造物之意尊孔子而本
于孔子之所由生也卽以祥符之主詐爲天書以誣
上帝況于嶽神而于孔子獨爲抑志躬贊躬書下及
弟子此其心亦有一罅之明者然惟知中國之有泰
山可借以雄于外夷而不知孔子之大聖又泰山所
藉以爲重者使能充此一念向慕之誠旁求孔子之
徒盡行孔子之道則天清地平山川奠麗尙何契丹
之可畏哉泛舉舊章而不知根本要領之所在跡其
所行尙遠遜于漢唐之季宜其卒不能洒其耻也贊
或假手潤色字必其所勉爲皆不必以韋布之法繩
之矣 墨林 快事

金石萃編卷一百二十七 宋五

十

宋史禮志是年十一月幸曲阜備禮謁廟本紀加謚
孔子爲元聖文宣王遣官祭以太牢給便近十戶奉
塋廟 關中金 石記

按玉海先是詔有司檢討漢唐褒崇宣聖故事欲
追謚爲帝或言宣父周之陪臣周止稱王不當加
帝號故第增美名春秋孔圖曰孔子母感黑帝而

生故曰元聖莊子曰恬淡元聖素王之道遂取以爲稱二年五月戊午以御製御書元聖文宣王讚示輔臣六月丙午詔刻于石壁石壁者卽碑也冊阜縣志云碑凡五版中卽此碑其旁則羣臣分贊碑陰有幸魯封誥手勅題名明宏治十二年燬嘉靖十五年重書於石然則此是重摹之本末題一段連及五年改謚至聖當是後人所加其元聖之謚乃元年十一月四日下詔而碑題一日者蓋以謁廟之日爲製贊之日也

封祀壇頌碑

金石萃編卷一百二十七 宋五

十一

碑連額高一丈二尺二寸三分廣六尺五分四十四行行一百字行書額題大宋封祀壇頌六字篆書在泰安府城東南四里

大宋封祀壇頌

大書儀衛使 封禪大禮使推忠協謀同德佐理功臣金紫光祿大夫中書侍郎兼刑部尚書同中書門

下平章事集賢殿大學士監修國史上柱國太原郡

開國公食邑四千七百戶食實封貳千壹伯戶臣王

旦奉 勅撰

翰林待 詔朝散大夫國子博士同正騎都尉臣裴

瑀奉 勅書并篆額

臣聞天地之文著明含章炳煥於庶物禮樂之用象功崇德昭格于至神 王者宣淳耀之烈建中

和之極於是錫

天瑞出坤珍覺悟於

衆民鮮不登泰山口梁父幸崇於明祀蓋天地之文闕

下民何以法象爲禮樂之用 後世何以祖述焉是知

勒皇績騰茂實交三神之歡著一王之法述符命繼昭

夏中乎大報示於無窮極典章之脩物真帝王之盛節

者也粵自遂 初始造 書契增高 益厚 載九皇之德朴略

而難名時邁省方垂六經之文細繹而可舉公襲之規

審廣巡狩之儀口口 五載際 於虞典一紀因乎周制听

金石萃編卷一百二十七 宋五

十二

以彰善燿 惡 口民設教者矣爾後道非下濟德異升聞

或緘秘祝之辭或黜諸儒之議先治兵而釋旅乃肆口

口口口順口口口口行殊爲民祈福之意 光 武紀號

口石 藏于 故封開元陳口口玉牒之不秘典章 斯 在風

烈可觀口口難行禮從茲絕泊四方之俶擾屬五代之

陵 夷但恣尋戈不遑置器俎豆之事掃地將盡塗炭之

俗籲天無辜陰隲下民誕口口口口口口口口口口

口口口口口聖光啓丕運

皇 宋三

葉在口天下五十載矣 太祖啓運立極英武聖

文神德靈功大孝皇帝之創鴻業也名膺帝錄運契天

飛微軼道之降鄒牧野之誓以帝軒之神武口漢口口

口口口口口口口口號陟元后集大勳望風而海外駢奔

端展而天下寧宴 太宗至仁應道神功聖德文

武大明廣孝皇帝之恢寶圖也天縱多能體膺上聖狗

齊溶括居質以成德文明中正開物以成務凝神口口

口道口口度策賢良率土致覆孟之安丕基成磐石之

固 崇文廣武儀天尊道寶應章感聖明仁孝皇

帝聖道日躋大明繼照尹京邑也神明之政四方是則

踐承華也元良之德萬國以貞圖口口理訟口咸格遵

顧命而主神器極孺慕而纂 宗祊守口口口

金石萃編卷二百二十七 宋五

口口口 於百王熙庶政叙彛倫智周於萬物口爵出

祿褒德念功若臨照之代明法雲雷之作鮮繼志述事

樹經久之規弛禁省官布寬大之令口張文理荐視學

於上庠振舉武經口口口口近甸厚時風而敦世教訓

戎昭而敷軍實爾者邊吏致告時巡口口口口口口

檄森口揚天聲秉武節惇口口口口民維好一介交聘

靡宣金革之威六師不陣還於衽席之上綏帶噓哺而

式和民則毀弓口口而止嚴武備於是修鑿典輯遺文

命秩宗講三王之禮訓奉常考六代之樂渴讜議則下

周爰口詔口口口口則申口口口口口口獄訟申飭理官

簡孚而用平刑口口而行輕典敦叙公族立建戚藩犬

牙之制是崇麟趾之詠斯洽設獮狩之禮止於從時修

宴射之儀于以觀德勞身焦思有文飾之憂勤革履七

綈邁漢文之恭儉卜 郊之位案歷上 陵口口

口口口久廢之禮易脂澤而哀慟入石室而涕洟至

性感於人神靈德格於上下紬宸議政勵精于日昃金

華侍講不寐於宵分校正蘭臺之書增建石渠之閣規

模廣於麗正典籍脩於宣明深味道腴以資治本帝堯

稽古虞舜好問以聲身而為律度執規矩以之口口百

姓為口推恩而逮下萬方有罪引咎而在予德教被於

金石萃編卷二百二十七 宋五

無垠皇明燭於有截兵偃刑措道茂化醇百嘉阜昌庶

萌樂育獨運陶甄之上丕闡鴻均之祚訪空峒之道採

康衢之謠夷夏大和天人交感必彰嘉應以表麗通門

歸承天節臨獻歲真官奉其 丕口告以先期秘檢

煥於 靈文口于清旭受釐宣室躬口丹書錫無疆

之休諭大中之理繇是覃如春之澤易紀年之彌且斯

文未作伏羲氏觀象以畫八卦有神馬負圖之瑞洪水

方割夏后氏底績以導百川受元夷使者之命比口相

慶異代同符口眉口口之氓謳謠于外鴻筆麗藻之彥

頌美於內於是東土耆艾闕里諸生連袂而來抗章以

請洎思皇之士卽序之戎藩嶽大臣緇黃衆品伏閣叩
首請封禪者無虛日矣僉以爲祥瑞雜沓天意也
中外傾囑人事也梓何越雋朱崖象郡之地俱入於提
封口口口東蘇江口卽黍之類悉從於茲貢矣羣情惻
惻式佇於慶成上帝顧懷不可以謙拒書上者至
于五上不得已而俞之誕告庶邦載形明詔將
以奉揚先烈非謂告厥成功申命輔弼之臣諭
以簡易之道經始勿亟無擾于民且山爲嶽鎮之宗地
口口禮之國周孔垂教乃始封載誕之邦陰陽相代是
育粹炳靈之府當僦工之際歲事之初明誠以孚

金石萃編卷二百二十七

宋五

十五

鹽鑒先苔應龍有翼蜿蜒而下垂醴泉無源漢沸而
自涌芝含三秀布地而羅生日麗九華得天而絢采鱗
介之細草木之微口異効奇紛綸疊委而口遊心粹清
凝思靈化乃因華胥之夢再覩姑射之神告以玉書
降於神房之麓著之黃素得於季夏之初揆日奉迎脩
禮祇若爰囑咨於封祀固脗合於宵旻亟命有
司草之大典採摭清議討論舊章卽事用希其禮多闕
酌義訓以革正參制度以折衷古文逸禮之靡記議郎
博士之未達上資覽洞析於精微無望清光悉臻於
體要穆卜消日掌故奏儀申必告之誠躬祠清廟

清廟

以旣盈之月有事介丘先齋紘宸載止禁籞屏翳韶之
脩樂以極靜專却太官之常膳以御菲薄清畿式道雲
會星口口口口之啓行奉天書以先路脩設儀衛
增置官屬極恭肅而尊天貺也采章之盛藻縟原
隰武衛之雄震疊區寓八方述職萬旅騰裝讓塗而行
外廬不閉奔走會同之際端肅而無譁屬發栗烈之時
融和而可愛民絕札瘥之患物有蕃廡之詠供帳不移
而口儲供不戒而脩歷東郡之屬邑抵澶淵之口口軍
國異名修支事而有武備士誦夾侍掌方志而道地圖
風伯清塵招搖參乘周覽臨灤少留汶陽戒瘠庶官申
嚴執事靖恭爾位恪謹攸司羽衛具陳乘輿乃出垂翠
綬而鳴寒玉載瓊口而擁雲罕天口景從禁旅前驅八
神齊奔萬物咸覩卿雲待族仙禽成侶俯法從而交蔭
覽德輝而翔舞口光下燭抱珥騰芒觀雲式瞻奏臚狎
至溢簡編而不可載考圖謀而未始聞下詔肅祇柴望
而告至儲精螭漫淵默而齋居祀前一日未質明脩法
駕至於山趾更衣於帷殿上乃乘輿輿陟絕巘躋日
觀出天門築園臺於山上度地宜而循古制也升山之
前夕曾雲蔚興嚴飈暴起達曙振野而未已有司失職
而是憂洎寶錄先登華蓋徐至焚輪止息寥泝

金石萃編卷二百二十七

宋五

十六

清齋若胚渾之初判狀羣靈之先置辛亥祀

昊天上帝設

天書位於左次登歌樂作奉迎

就位顯奉

符而錯事也

二聖嚴配定位側

向以申恭事表繼志而奉

天也亞獻終獻作之

樂章以為禮節一其儀而申昭事也祝史正辭秘刻勿

用黎元蒙福孚佑是祈克其已而厚勤郵也裘冕俯僂

金石鏗越捧珪幣奠犧象絡金繩而斯畢飛紇燎而上

達舒遲暨禮陟降盡恭明德之馨至誠之感苾芻以薦

盼翬如答通帝鄉之岑寒接雲漢之昭回協氣上浮纖

羅不動神策錫靈長之祚日卿奏殊尤之瑞垂紳委珮

金石萃編卷二百二十七

宋五

七

踊舞齋室之前鼇拊山呼響震層霄之外山下設壇四

成如園丘之制乃命茂親以承大祭崇□□□以斯□

潔粢豐盛而在列萬靈成秩四隩來同

九宮貴

神實司水旱吾民是依動繫慘舒厥職尤重命築壇於

山下封祀壇東率禮吉蠲詔大僚以尸其事壬子祀

地祇於社首百司承戒慎之至也三獻盡

誠禮無違者翌日

朝

壇觀羣后輯五瑞千品成

列萬國宵泊英莖韶夏以徧作傑休兆離而次設風行

敕令雷動歡聲祝網之仁普霑蓼蕭之澤遐被大明之

照徧燭於蒨家崇朝之潤周濟于天下昭示

聖

作以志

元封日星炳其天章鸞龍奮其仙翰威

祚德之

鷹睨遂

光表之鴻猷金玉其相與典

墳而並驚神靈是保揭日月以長新復有道濟生民名

在祀典功德兼茂跡用尤著者煥乎

睿文特形

贊口刊於翠輿貽厥方來而乃祀高嶽之靈幸列真之

宇俾加賁飾用極褒崇

卷

老申合飲之私勞口推口復

之惠命方納賈採詩觀風聘有道而省高年平權衡而

考制度官克用又黜幽之典靡行化洽可封歸厚之民

咸若惇嫺攸恤幽隱咸達乃

翠華之旋軫臨曲阜

之故墟升講肆之堂屈順風之拜徘徊設奠眷想遺風

金石萃編卷二百二十七

宋五

六

聖之禮有加卹後之恩彌渥既經口口口口載口口

口口邦周公旦啓真王之封太公望進昭烈之號咸建

廟貌領於祠官按節迴鑾軾間表墓徧走羣望口不遺

靈河濟之區海岱之壤南暨淮漢北際常趙梯航萬國

冠帶諸酋四遠雲來千里星屬聽清蹕口口口容得

隋仁壽之口口口口口事扶老口口口口口六龍

迴御七萃解嚴太史揆辰近臣奉祀藏侑神之金匱上

加謚之寶冊舉歸格藝祖之禮親饗

太宮考

彼至榮勲之典惠綏列辟盡

聖人之能事成天

不之壯觀前口所紀纔十二口口儀斯廢僅三百載口

〇〇〇〇〇〇〇天命〇〇〇〇實惟其時

烈祖

造新邦臻大定經制而未遑

神宗求至理

致升平業成而中罷遺茲景鑠屬在

欽明丕顯

詒謀奉成

先〇〇〇大號永〇〇名〇〇昭

姓考瑞〇大統也勒石垂〇昭茂功也人神以和禮〇

〇備盛德也

〇〇芝位

祖考嚴配大孝

也報本

穹昊歸功

宗祏謙尊而從衆欲

禮畢而受徵稱克讓之風高視于前古矣下尺一之詔

嚴禁止之〇〇〇行葦靡〇〇〇好生之德〇〇於羣

心矣服純衣而在〇御〇〇〇數〇〇別滌〇〇致美

金石萃編卷二百二十七 宋五 九

嚴冕戒乘

服御之物罷周廬次舍之制則惟新禮器

增飾壇壝故

翼翼之心精意以享有典有則必

躬必親寅恭天至也既如彼

蒼蒼之意惟德〇

〇〇〇事〇〇〇〇瑞報况神速也〇〇此宜乎擁鴻

休介繁社後

天而

老象日之升垂萬葉之耿光

爲百王之稱首者也臣位冠台衡親逢旦暮承上公之

乏相

盛德之事與夫茂陵草遺忠之奏同南典

留滯之歎非可同年而語矣矧又恭膺〇〇〇〇〇〇〇

當〇〇迷茲所以紹帝皇之墳素表金石之篆刻嗣不

天之大律〇〇世之鴻範者也寡章平之經術無

燕許之才筆大懼樛昧不能發揮徒躑躅於燥吻實龜

俛而塞 詔賡譔舜德曷繼於皐陶紀頌漢巡有

增高益厚 王者上儀 制禮作樂 莫大於斯 應

運接統 垂鴻逆釐 茲事禮大 惟聖難之 岱宗

炳靈 巖巖峻峙 和鑾響絕 牲瑄禮弛 缺其神

懽 邀踰星紀 乃聖挺生 乘時斯起 惟宋肇興

受天顧誕 盡黜苛政 式叙彝倫 以洗汙俗

乃吊匪民 革其不諱 被以至仁 威靈有赫 軌

跡易遵 與民更始 其命惟新 寶鑒日隆 神武

金石萃編卷二百二十七 宋五 二

不測 厥角獻琛 水簪陸口 惠澤滂流 皇猷允

塞 陰陽下民 懋建皇極 照被六幽 化行贊獨

累盛重光 乾乾翼翼 展義省方 觀風耀德

偃伯靈臺 濟民壽域 寶鼎增重 永協大同 禎

符荐錫 告厥成功 論乎至理 迪彼靈風 保邦

清淨 錫祚〇〇 化洽無外 道惟大中 百度以

貞 六符斯正 傾輸羣心 稱述瑞命 僉議勒封

以期升侑 休烈日彰 神策天授 徇民從欲

展采告成 屬車時邁 法從天行 濟濟鴻序 噉

噉鸞聲 星言汶上 雲會岱亭 穹崇絕巘 密滿

國靈躬陟上封 聿申昭事 祖考來格 禮樂昭
脩 感以至誠 享其精意 欽謂歸功 謙謙益至
嚴配克誠 蒸蒸不匱 柔祇昭報 誌祀事修
二儀訢合 百神懷柔 帝容載穆 靈睨殊尤 肆
觀輯瑞 端委凝旒 萬國以朝 四夷接武 行草
之仁兮敦洽 蓼蕭之澤兮周溥 茂遂羣生 浸漬
萬寓 慶集丕圖 風還遂古 騰茂飛英 超三邁
五 赫赫顯顯 穰穰鴻禧 百祿是荷 萬壽無期
遂及黎庶 永洽淳熙 法昊穹兮剛健不息 踵
黃軒兮清淨無為 自天之錫 百世承之

金石萃編卷一百二十七 宋五

主

大中祥符二年七月十五日立

右碑文所紀禮節始末多與宋史禮志合惟王旦傳
不載太原郡開國公其天書儀衛使傳作天書儀仗
使爲不同也文中升講肆之堂通作肄案禮玉藻肆
東及帶注云肆讀爲肄蓋二字形聲相近故易致誤
也縣志云碑陰尙有題名拓者遺之山金
按泰山志封祀禮本行于嶽頂眞宗命名曰太平
頂而御書刻石即在唐磨崖之東此下三壇碑文
皆從祀大臣奉勅所撰故各就其壇之所在以紀
述鉅典其地寬平不致勞費人力也泰安縣志唐

高宗築封禪壇於泰山南四里許名其壇曰舞鶴
臺宋眞宗東封築封祀壇即在舞鶴臺東碑文下
截漫漶者自數字以至十餘字然大段尙可讀也
泰安縣志又稱封祀壇頌碑陰列題名今未見稽
之禮志本不言此壇碑陰有題名

社首壇頌碑

碑高一尺一寸五分廣三尺六寸五分五十一行行
一百一十一字額題大宋禪社首壇之頌八字並正書
在泰安府高里
山神祠之東

禪社首壇頌并序

天書儀衛副使封禪禮儀經度制置等使推忠協謀

金石萃編卷一百二十七 宋五

主

佐理功臣金紫光祿大夫禮部尙書知樞密院事修
國史上柱國太原郡開國公食邑三千五百戶食實
封一千四百戶臣王欽若奉 勅撰

渚灘御歲應鍾旅月

國家建號之四十九

皇帝紹統之十有二載燔柴喬嶽成禮於勒封廻
蹕方丘薦誠於厚載人神交感祚祉來宜爰命下臣式
揚嘉頌粵自聖明御極寰宇太和民知教而措刑俗致
理而偃武熙熙庶彙如陽於春臺惕惕宸心若臨於秋
駕臨德上達 乾文下垂方純嘏以誕膺故至神
而合資見於乙夜同日星之揚耀告以先期若寒暑之

不忒履端之月成魄之辰晝漏初傳朝暾未耀似蒼龍之內闕觀黃素之奇文豈必元龜負圖而出洛何須赤雀銜書以及豐

意仰荅

上冲屬內增寅恭外積克勤精靈心感應真符祺祥不絕雲成五色表

嘉瑞於太平星見南方薦殊微於萬壽由是索前王之令躅秩祀典之無文思大饗於季秋用昭告於

上帝咨爾之詔將戒於有司侯子之謠爰興於東土鄒魯之士海岱之民竭乃一心若律呂之相召來於千里

如符契之不愆述盛禮於无封獻露章於魏闕以為有唐之季天步艱難朱梁已還寓縣離析蒸黎塗炭兵甲

日尋薦紳無仁義之談鈇鉞肆虔劉之患

金石萃編卷一百二十七

宋五

悔禍肇啓於昌期百姓與能勃興於

上天

太祖啓運立極英武聖文神德廟功大孝皇帝炎靈

明主

應統緒錯膺圖奉唐侯之固辭避陽城而罔獲克安九服成不陣之功祇事百靈受無疆之福

仁應道神功聖德文武大明廣孝皇帝大明繼世至德

太宗至

在人文告以懷柔武威而震讐憲章號令俯洽於殊方

文物聲明仰踰於往古

崇文廣武儀天尊道寶應

章感聖明仁孝皇帝稟粹二儀鍾靈五運紹膺基於累

盛荷景貺於重熙通於神明錫類之孝格于上下廣覆

之仁若乃弋綈為裘書囊為帳恭儉之至也泣辜于市

扇暍于塗慈惠之隆也仄席掄才反支受訟聽政之勤也

齋居議刑弛懸決獄慎罰之深也至若恭默思道勵翼

求賢振恤惇發諮詢謙直奮徽五典昭明百官禮無大

而不揚情無小而不達道彌高而思彌下業愈盛而志

愈微故得鳥獸可窺水火不奪萬民以治五教在寬

天降之祥物安其所所謂集靈黃之景祐攬步驟

之上儀者也夫登岱宗禪梁甫對越天地嚴配

祖宗揆玉以禮神刻石而紀號于八百后其道皆同七

十六君其蹟可視矧夫盛德大業巍乎若斯天瑞人謀

金石萃編卷一百二十七

宋五

昭然如彼誠宜荅三靈之祐順九域之心考時日於靈

官詢制度於宗伯肆觀羣后懷柔百神蒼璧以祀天黝

犧以祭地發惟新之大號受不已之庇祲豈獨一方區

區之誠實亦六合嚮嚮之望

上於是臨法坐而

延見命謁者而喻旨嘉其將順之心示以惕厲之意以

為禎祥申錫但荷於洪休封禪告成難居於盛美故當

徐議無復過談莫不瞻珠旒伏文石期於得請然後口

從克讓之詔雖行敦執之言益固於是鈞衡之元輔帷

幄之碩儒三臺之具臣五營之列校郡國之上計庠序

之橫經班白緇黃之儔椎結文身之衆相與集闕闕趨

鈞陳述庶民後之談叙歷代不刊之訓且曰天高地
下大禮生其中君令臣行百度遵其治罔蹈道而無福
罔失政而無口道莫大於奉明神政莫隆於興茂典故
遂古而下方冊所標未有長發真源永孚休命應數在
已美利及人而不宗祀

吳穹昭配祖禰奉符東

岱展宋仙閣者也而況巡狩之文毛舉於虞典登封之
義囊括於周詩六經著其謠言百王以爲盛則衰世思
之而罔克治世避之而不能口口武隋文其讓也正世
祖廟宗其修也宜陛下高邁義農俯視舜禹

天

鑒厥德赤伏之符既膺後來其蘇東人之念方積觀民

金石萃編卷一百二十七

宋五

五

展義今也其時錯事增高辭之豈獲雖復輿情可却宸
慮難迴其如

三神之景命何

二聖之盛

烈何優詔不許者四封章固請者五於是口

聲

穹之顧諟徇黔首之勤求俯而從之蓋不獲已乃頒明
命戒有司曰自天之休既鍾于

列聖累洽之慶

復屬于冲人若乃登名山朝萬國雖盛德之事其何以
當而率土之情復無以拒蓋將申於大報故云告厥成
功咨爾有位之臣暨于藏役之者犧牲玉帛禮於神則
極其口口輅旂常奉於吾則從其儉委樞近之佐以先
置密授其成謀聚文儒之士以撰儀洞稽平槽制其令

也至當故下無以干其工也不繁故衆思自勵德音一
發民望如春誠感上通神心若契至平聖賢之祖述禮
樂之公襲或有稽史失傳精義莫續羣臣極慮靡究其
端

睿旨發口口盡其理凡所刊正二十餘條於

是奉常遵爲彛訓又若秘牒有一信冊有六幡裡俯口
追琢難成將以貞珉代乎溫玉雖復有司固請俞詔勉
從在乎宸心惕然罔措果於內府訪得其真蓋往日之
所營僅朞月而乃就取之琢刻用於神祇克集厥功靡
愆于素足以見

先聖有開口口

吾君善

繼之孝也且夫

天之臨也不貳

天之鑒

金石萃編卷一百二十七

宋五

五

也至明聽之口聲吉凶見乎象數而降命善惡基乎人
盛德之興巍巍乎其莫述鴻休之至紛紛乎其無窮當
夫揆日有期鳩工在始地不愛寶吐素液以流甘龍飛
在天騰卿雲而絢彩神葩焜耀挺秀而朝敷瑞氣口口
揚輝而晨映眈目鷲獸匿蹟空山螯手毒蟲潛形蟄戶
在井之鮒鱉百鍊以成鱗繞樹之禽凝六出而挺質沃
日漲海既遏其驚波航葦巨河復遵其故道九穗兩岐
之秀四犢一角之奇或駢貫而共枝或先秋而告稔班
虎裘丈之蘭靈雲共蒂之瓜鸞鶴羣臻聽笙鏞而自若
慈烏獨口口畚鍤而有常懷懷沉湮以如館建邕明視

而呈素中天之月露煥發之重輪曲沼之泉澄相鮮之
麗色一封使者告慶交馳六藝書生頌美載路蓋已無
得而踰也矧又甚於斯焉昔者五老告期但問一至兩
騎受職豈復重來未有眷佑彌昭殊休再降巍然岱嶽
密邇步泉頒
絲字之文述
蒼元之意於

是備時乘之駕迎

寶命之符是月大雨霽電密

雲葱鬱潤甫田而雖治治馳道以方勤及乎端謀爰來
乘輿將出則煩陰並散杲曜徐昇紉氣覆於離宮白雲
映乎廣殿時億之福豈易測乎於萬斯年必可保也瞻
言南城舊產靈茅方志雖存郡人罕識及夫詔書採擷

金石萃編卷二百二十七

宋五

主

耆老營求絕世之珍故蕃殖而久廢不貢之責方寤寐
以爲憂遽生三脊之奇用資五天之籍夷吾曩記斯實
同符開元舊文諒多愧色旣而協良日薦虔誠寅奉

靈文祇見

祖廟謝會昌之純錫告配侑之

崇名于時人集八方塵飛九陌齋明之夕澍雨以清皇
衢裸鬯之辰喬雲以覆世室非煙燭野瑞日流空肅肅
金飊襲星罕而徐轉翩翮玉羽扈河口而羣嬉

二后在天降鑒於至治百世觀德協變於無垠猶謂斯
禮不行其來已久雖感蒐於闕典慮未盡於至誠乃復
展黃屋之崇高習泰壇之薦享恭畏之色罔異於奉祠

闕疑之文並從於折衷官師聳勵神鑒益歆旣而令旦
戒辰鳴鑾遵路百工承式七萃啓行八校止齊聞蕭蕭
之鳴馬九旂時動見習習之祥風鼓吹不喧率由舊則
金石咸寢肇自
聖謀至若念封禮之方陳於嚴
是務慮有司之弗給簡易爲先乃損屬車別召輿駕虛
大輅以安
祕錄見奉
天之誠御步輦以

金石萃編卷二百二十七

宋五

主

改作閑閤之勢閤或增新惟懸幕以環周或正口而躬
處頌祇之庭在邇接神之冊儲靈屬夜漏之未央視榮
光之欸見瑞踰沈璧祥協起口至乃命庶官走羣望專
叩后土別祀九宮禮瀕海之諸神饗射牛之列帝所謂
闡皇猷於罄宇昭上德於億年者也暨夫屆廣魯臨岱
宗庶民奉迎罔不率舞東后來觀靡有後其八表之民
駿奔競至未名之寶櫛比咸臻壇墠以陳簠簋以具申
誠於百執必信而必誠昭感乎萬靈有嚴而有翼越以
孟冬之月庚戌之朝望泰之高峯昧爽而陟比黃之大
典次日而修其或俯曾崖履危陞虛人之勞也乃降輦